



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

24. Dies Octob. Vera religio, in unius constat veri Dei servitio.

urn:nbn:de:hbz:466:1-45477

vivere, cui omnia vivunt, qui est vita tuæ vitæ. Mundum ergò desere, & illi servire desine, dum tempus est. Sic te adhortante Augustino : (a) Corrigant se, qui tales sunt, dum vivunt, ne postea velint, & non possint, quia subitò venit mors, & non est qui corrigatur, sed in ignem mittatur. Utere tempore : enimverò, Tempus deslendi, nunc, & peccata luendi.

24. DIES OCTOB.

Vera religio, in unius constat veri Dei servitio.

S. Fulgentius ad Donatum.

Dei in nos beneficia, exigunt nostra obsequia.

1. **S**ervire famulum Domino, est æquum : servire hominem Domino dominantium, est plus quàm æquum, quia est æquitas. Omnis religio constat in unius Dei servitio : alia omnis irreligiosa est religio. Cujus ergò suavis amor, superest, ut pro virili, persuadeamus erga eum honorem, utpote cui soli debetur ab omnibus omnis honor. Hunc maximè prodimus obsequiorum officiis : officia extorquebunt benè expensa, Dei in nos immeritos merita. Primum honoris obsequium sit, illum ut par est, timere. Breviter, sed nervosè Tertullianus ; (b) *Hominis timor, Dei est honor.* Vis causam timendi ? suggeret Josephus Judæus. (c) *Qui Deum respicere suam vitam credunt, delinquere non presumunt.* Expectas jam, ut recenseam ejus beneficia ? Quid volo revocare ad numerum, quæ sunt innumerabilia ? (d) *Suspice calum, & numera stellas, si potes.*

(a) De Temp. 164. (b) De pœnit. (c) Contra Apion. l. 2. (d) Gen. 15. 5.

res. Citiùs, & faciliùs poteris, quod non potes, numerare stellas cœli, quàm beneficia Dei. Non tot cœlo lucent sidera, quot in tua cœlesti Anima elecent Dei munera. Sed agamus personam Arithmeticum, & incipiamus inire numerum. Ingens fuit beneficium, quod Pater nos creaverit, non rogatus ab ullo; quod Filius nos redemerit, non adjutus ab ullo; & super omnia, quod Spiritus sanctus nos Christianum elegerit, nemine promerente. Magnitudinem hujus beneficii, paucis exponit Arnobius: (a) *Christianum si fueris, spem salutis habere non poteris. Quid profuisset nobis totius mundi Monarchia, si non fuisset in Christianæ Ecclesiæ Hierarchia? Cùm verissimum sit illud Lactantii: (b) Ecclesia Catholica, est templum Dei, quo si quis non intraverit, vel à quo si quis exiverit, à spem vitæ, ac salutis æternæ alienus est.*

II. O Bonitas ineffabilis, quia inæstimabilis! Quot Mauri, Turcæ, Judæi, Ethnici, Hæretici, si fuissent vocati in admirabile illud lumen, ad quod me, non rogatus à me, vocasti, quantò pluribus præ me Ecclesiam tuam illustrassent meritis, te honorassent suis obsequiis. Et si me voluisses esse Hæreticum, inter Hæreticos vixissem ut Ethnicus, inter Ethnicos, ut atheus; inter atheos, ut atheorum primus. Itaque reliquisti illos omnes, quos si vocasses, fors propter te reliquissent omnia, & elegisti me à millibus, à quibus præciebas te offendendum tot sceleribus. Tu cur feceris, nōsti, & ego, quid hīc dicam, nescio. Sunt hæc judicia tua, mira quidem, sed tamen iusta, quæ par est potiùs admirari, quàm scrutari, honorare, quàm investigare.

(a) L. 3. (b) 4. ult.

[a] Dei iudicia nemo plenè comprehendit, justè nemo reprehendit: ut bene Augustinus, qui omnia optimè. Interim qui Deum expertus es in te non modò voluntate benevolum, sed liberalitate beneficum, non tantum impensè bonum, sed profusè blandum, noliti tibi nimium blandiri: quantum tibi gratularis ob accepta à Deo beneficia, tantum metuas, & angaris, ob futura ejus iudicia. Hoc ipsum vult Chrysostomus. [b] Quantò majora beneficia sunt hominibus constituta, tantò graviora peccantibus iudicia. Consonat S. Ambrosius. (c) Quò indulgentior liberalitas, eò inexcusabilior pervicacia. Viu' tertium? Cùm augentur dona, rationes etiam crescunt donorum. Dei dona accipienti non sunt bona, nisi qui acceperit sit bonus.

III. Multa tibi sunt facienda, quia Deus tibi benefecit, dum hominem fecit, hoc est, quia es præditus ratione, sed multò plura quia es imbutus vera religione. Parum tibi prodest recta ratio, si desit vera religio. Attende, & expende verba Cypriani, ut impleas officium hominis Christiani. (d) Cui plus dignitatis adscribitur, plus exigitur servitutis. Vera ergò amplitudo non ex eo pender, quod quis ampla habeat, sed amplius valeat. Non idè Rex est laudabilis quia præcellit aliis dignitate, nisi præ aliis excellat Virtute. Hoc est, tum demum Rex est laudabilis, si is cui à multis servitur, ipse uni serviat Deo. Consentit mecum D. Augustinus. In hoc serviunt Reges Deo, si in regno suo bona jubeant, mala prohibeant, non

(a) 2. De civit. c. 25. (b) Discip. de tempor. (c) In Luc. 6. 20 (d) De simplic. cleric.

non solum quæ pertinent ad societatem humanam, sed quæ religionem Divinam. Ab arbuscula humili, & fragili præter fructum suo tempore reddendum, nihil exigitur; ab excelsa verò, speciosa, & spatiosa arbor, ut multa præbeat multis. Quæ illa? Frigentibus ligna, fessis umbram, esurientibus fructus, tum ipsa adversus omnes ventorum impetus se tueatur. Tu Christiane es inter homines, quod Cedrus Libani inter arbores. Es arbor bona, expectat à te celestis ille agricola, ut facias fructus bonos. Christianus es, hoc est, Princeps es; de Christianis enim dictum est illud: [a] *Constituit eos Principes super omnem terram.* Quid te abjicis infra terram, quem Deus constituit principem super terram? Exclamat Tullius: [b] *O Dii immortales, quàm magnum est periculum tueri Principis! O Deus immortalis! quàm magnum est tueri personam Christiani hominis! sis ergo memor illius carminis:*

Quanto major eris, perfectior esse teneris.

25. DIES OCTOB.

Imitare si pores, apis ædificia, formicæ stabula, bombycis stamina. *Tertullianus adversus Marcionem libr. 1.*

Deus mirabilis in animalculis.

Deum oportet non modò diligere, & colere, ut prius docui, sed admirari. Hoc nos docebunt histrixinis punctis, non procera animalia, sed pusilla animalcula, Apis, Formica, Bombyx; in illis minimis, miraberis Deum maximum. Ordior ab Apibus: Quàm est apis exilis, & con-

[a] *Psal. 44. 17.* [b] *Philip. 2.*